

2. nunc ausculta. [Ego tibi hanc scientiam universalem cum
peculiari coniunctam plene effabor, qua cognita in hoc mundo
3. non amplius alia cognoscenda relinquitur. E mortalium
millibus vix singulus quispiam ad perfectionem enititur; an-
nitentium quoque ac consummatorum vix singulus me penitus
4. novit. Terra, aquae, ignis, aër, aether, animus, nec non
mens, sui conscientia denique: hunc in modum haecce mea
5. natura in octonas partes distribuitur, scilicet inferior ista;
at praeter hanc aliam scias meam naturam supremam, vita-
6. lem, o heros, qua mundus hic sustentatur. Ex eius utero
funduntur universa animantia, ita intellige. Ego sum totius
7. mundi origo, nec non dissolutio. Me praestantius non
aliud quidquam exstat, o contemtor opum. In me Universum
8. hoc est suspensum, sicuti in filo margaritarum lineae. Sa-
por ego sum in aquis, iubar sum in sole ac luna, nomen
mysticum in universis libris sacris, sonus in aethere, vigor
9. masculus in hominibus, et suavis odor in tellure, splen-
dorque sum in flamma, vita in omnibus animantibus, et casti-
10. monia in ascetis. Semen perpetuum omnium animantium
nosce me, o Prithae fili. Intellectus intelligentium, splendor
11. splendorum ego sum; roburque robustorum ego, a cupi-
ditate atque affectu segregatum. Nulla lege refrenata in anima-
12. libus libido sum, Bharatidarum princeps; et quaecunque
tandem essentielles sunt naturae, impetuosae ac tenebrosae, ex
me nempe has *ortas* scias: non equidem illis insum, insunt
13. illae mihi. Trinis hisce qualitatum propriis naturis totus
iste mundus delusus non agnoscit me his superiorem, incor-
14. ruptibilem. Divina quidem illa Magia mea, in qualitatibus
operata, difficilis transgressu est; attamen, qui mei compotes
15. fiunt, ii hanc Magiam traiiciunt. Haud mei compotes fiunt